



Bou ons kinders vir môre

Sondagskool 2

Lestitel: Ons sien uit na die eerste opstanding

'n Ouerhandleiding

Sondagskooltuisonderrig



Liewe Ouer

Welkom by die les “**Ons sien uit na die eerste opstanding**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Ons sien uit na die eerste opstanding
Bybelwoord	Openbaring 20: 5-6 1 Korinthiërs 15: 20, 22-24
Lesdoelwit	Ons leer dat ons almal voorberei op die eerste opstanding, sodat ons waardig en aanvaarbaar kan wees op daardie dag. Daarom moet ons let op alles wat in die godsdienste en in die Sondagskool gesê word, en daarvolgens probeer optree.

Lesopsomming:

Die kinders leer dat baie ander kinders van hul ouderdom, ongeag hul verskillende agtergronde, uitsien na die dag van die eerste opstanding.

“Salig en heilig is hy wat deel het aan die eerste opstanding, oor hulle het die tweede dood geen mag nie ...” Diegene wat hier geprys word as geseënd en heilig, is diegene wat met die wederkoms van Christus opgeneem sal word.

Christus was die eerste wat opgestaan het. Hy is die eersteling van diegene wat sal opstaan. Die opstanding word belowe aan diegene wat aan Christus behoort wanneer Hy kom. Hulle sal die oorwinnaars genoem word - “hulle sal priesters van God en van Christus wees en saam met Hom as konings regeer duisend jaar lank”.

Ons moet dus ons lewens in lyn bring met die evangelie van Jesus Christus en ons dus voorberei op sy wederkoms en die ewige lewe met Hom.

Terwyl ons hoopvol wag, bid ons tot God om die tyd te verkort en sy seun Jesus Christus te stuur om ons te kom haal - en dat ons waardig gevind word.



Wat beteken hierdie les vandag vir ons?

- Terwyl ons hoop op die dag van die eerste opstanding, moet ons onself voorberei; dit word gedoen deur aandagtig na die godsdienste te luister en na wat in ons Sondagskoollesse geleer word. Om met die eerste opstanding deur Hom aanvaar te word is die doel van die geloof van Nuwe Apostoliese Christene - ons sal oorwinnaars wees.
- Hoe goed is dit om te weet dat ons ewige gemeenskap met God sal hê as gevolg van ons getrouheid? Ons sal nie meer bekommernisse en probleme hê nie en sal nader aan ons Hemelse Vader en die Here Jesus wees gedurende die duisendjarige koninkryk van vrede.
- Daarom moet ons bid dat God die tyd verkort en sy seun Jesus Christus stuur om ons te kom haal. Ons moet ook bid vir beskerming (terwyl ons hier op aarde is), dat ons kan verstaan en waardig kan wees om in sy koninkryk in te gaan.

Sommige vrae wat ons kan vra:

Vraag: Wat is die eerste opstanding?

Antwoord: Dit is die dag waarop God Jesus Christus sal stuur om al sy getroue volgelingen op die aarde te gaan haal.

Vraag: Hoe kan ons ons voorberei op die wederkoms van Jesus Christus?

Antwoord: Ons moet die evangelie en die lering van Christus volg – soos dit deur ons ouers, diensknegte en Sondagskoolonderwysers geleer word. Ons moet ook elke dag tot God bid - dat ons waardig gevind sal word om in sy koninkryk in te gaan.

Vraag: Wat sal jy anders doen in voorbereiding vir die wederkoms van Jesus Christus?

Antwoord: Bid /ander help / besig wees in God se huis / vriendelik wees / vergewe / ander leer van God, ens.



'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.